

العشوائية - الحلقة الثامنة من برنامج (بداية الهداية) - م /

علاء حامد

علاء حامد

السلام عليكم. الحلقة اللي فاتت كنا اتكلمنا عن قيمة الوقت كقيمة اساسية مفترض ان هي تتكون فيك كواحد بدأ في الطريق الى الله سبحانه وتعالى في ناس فينا فعلا بدأ يكون القيمة ديت وخلص بقى حريص على وقته وان وقتي مش هضيع الا في حاجة نافعة. لكن حصل مشكلة تانية ان هو حرصه على الوقت خلاه بقى - 00:00:00

عشوائي يعني اي حاجة خير يروح داخل فيها على طول. يسمع ان الشيخ بدأ درس يروح على طول على الدرس دوت. يلاقي كتاب حلو في يروح شاري كتاب ثاني حلو يشتريه يقرأ في ده شوية ويقرأ في ده شوية يسمع عن دورة دورة علمية في المكان الفلاني يروح رايح جري مسلا عمل اجتماعي يروح - 00:00:30

اشتغل في العمل الاجتماعي شوية طلب علم شوية. حياته عشوائية. هو بيعمل حاجات كلها كويسة بس مش مركز في حاجة معينة. عشوائي بيطلع من ده في ده في ده في الآخر بيكتشف ان الوقت بيعدي وان هو ما عملش حاجة في الآخر. هو عمل حاجات كتير حلوة اوي بس هو في الآخر - 00:00:50

مش حاسس انه انجز في حاجة معينة. ودي مشكلة العشوائية في استسمار الوقت. انا مش بقول لك استسمر وقتك وخلص لأ. انا عايز كفاءة استسمار الوقت. يعني الوقت يتحط في الشيء المناسب. الافضل لك الاول لك اللي انت بتحسسه اللي انت متميز فيه - 00:01:07

علشان العمر ما يتهدرش وتلاقي نفسك في الآخر تلاقي نفسك في الآخر ما عملتش حاجة انا محتاج ان احنا نعرف احنا ننفع في ايه؟ بمعنى ان الموضوع محتاج وقفة انصاف مع نفسك. قبل ما تبتدي يعني تستغل وقتك. لازم ان انت تقف مع نفسك وقفة. طبعاً قبل ما اقول لك الحجة دي مهم جداً ان انت تعرف ان في حاجات ما فيش حد - 00:01:26

مش هيعملها. يعني اكيد كلنا مهما كان مهما كانت امكانياتنا هنشتغل في شوية حفز قرآن حنطلب العلم الاساسي اللي ما ينفعش حد ما يتعلموش. لازم تاخذ مستوى اول في العقيدة مسلا. لازم تتعلم العبادات اللي انت بتعملها فقه الطهارة - 00:01:49

الصلاة لو انت من اهل الزكاة لازم تعلم فقه الزكاة لو هتتجاوز لازم تعلم فقه النكاح لو انت هتتزوج لازم تتعلم فقه الحج على الاقل المستوى الاول. ده واجب على كل واحد فينا - 00:02:07

لكن انا بتكلم بعد كده الشيء اللي انت هتتخصص فيه هتتميز فيه هتركز فيه. ده محتاج منك كذا حاجة. الحاجة الاولانية انك انت تتصف مع نفسك. يعني انصف مع نفسك يعني تقعد مع نفسك قاعدة وتحدد ايه هي امكانياتي. انا آآ باحفظ بسرعة انا باحب القراءة. انا معي فلوس كتير انا عندي - 00:02:19

انا عندي مجهود انا باعرف اتكلم كويس مع الناس. تقعد تحدد كل امكانياتك. مع امكانياتك دي تحدد المجالات المناسبة للامكانيات ديت اه والله انا ممكن انفع في طلب العلم. لأ انفع في العمل الاجتماعي. لا انفع في الدعوة. انفع في دي ودي. تحدد كل المجالات اللي انت تصلح فيها. هيطلعوا خمسة ستة - 00:02:39

مسلا لأ مش هقدر اعمل خمسة ستة هتبتدي تاخذ من المجالات المجالات دي وتشوف احبهم اليك يعني من الخمسة الستة دول ايه اللي انت بتحبههم لما بتشتغل فيهم تنشط جداً تلاقي نفسك ما بتزهقش - 00:02:59

يبقى دول اولى خلاص وصلنا لاربعة بعد كده استشير الناس القريبة منك. استشير واحد في سنك رفيق لك. واستشير واحد فوق منك شيخك او المدرب او الانسان اللي بيعلمك وقل له ايه رأيك في؟ انا اصلح لايه؟ خد استشارته ممكن برضو تخليك تحسن اختيار المجال اللي انت هتركز فيه. بعد كده ممكن بعد كل ده تلاقي - [00:03:13](#)

نفسك استقرت على مجالين ثلاثة الحل ايه؟ الحل ابدأ في الثلاثة اشتغل في ده وفي ده وفي ده. وبعد فترة قيم نفسك شوف نفسك انهي واحد من المجالات ديت او انهي اتنين من المجالات دي انت بدأت فعلا تنتج فيه تسمر فيه فيه بركة في المجال دوت. وفي الاخر بعد - [00:03:36](#)

بعد تجارب وبعد الاستشارة وبعد انصاف نفسك هتعرف انت فعلا وقتك المفروض تحطه في ايه؟ ممكن يبقى مجال او مجالين او ثلاثة مش مشكلة. بس انت عارف ان لما بحط وقتي هنا - [00:03:57](#)

نستغل وقتي بكفاءة حقيقية مش مجرد وقت وباعمل عمل صالح وخلاص. عايزين نعمل انتاج كويس فمهم جدا نستغل وقتنا بكفاءة. جزاكم الله خيرا. السلام عليكم ورحمة - [00:04:10](#)